

Arubaanse Courant

No. 8

ANJA 27

Día Huebs 20 di Juli 1967

No. 9099

BESTUURSCOLLEGE A BAHAMENTS PRIJS DI AWA NA CORSOW

WILLEMSTAD- Ayera tardi e Bestuurscollege nobo di Partido Democrático, despues di tin 18 dia nan ta ocupa nan puesto nobo Scharloo, a hasi anuncio di tres decisio n importante qu nan a tuma y di cual esun mas importante ta esun qu prijs di awa a tuma.

Señor Rozendal, den su calidad di diputado di Informacion, ayera tardi a mustra qu mescos qu nan priminti promer qu eleccion, nan lo no bai perde nan tempu a establece con malu e anterior Bestuurscollege a traha, pero nan concentra nan atencion riba e sustonnan pendiente di caracter urgente y riba loquenan tin qu bai asina den futuro.

Especialmente na Gobierno Central, señor Rozendal a expresa palabranan di gratitud ayera tardi pa e medidanan qu gobierno a tuma pa aumenta entrada pa gobierno insular. Ta trata aki e aumento di accijns riba sigaria, alcohol y benzine. Señor Rozendal anuncia ayera tardi mes qu e calcula qu den futuro gobierno Central lo presenta cambionan den Winst y Inkomstenbelasting qu gobierno Central lo por conta cu e pleno cooperacion di Bestuurscollege den tumamentu di mas medida pa aumenta entrada pa gobierno.

Bahamentu di prijs di awa

Despues di su introduccion, diputado Rozendal a anuncia qu cuminsando cu luna di Juli, Bestuurscollege lo introduci e bahamentu di tarifa di prijs di awa di manera qu e promer reciban cu e tarifa nobo lo ser cobra na fin di agosto.

El a mustra qu aunque qu e fabrica di awa di gobierno insular a ser engrandece fuertemente durante ultimo añanan te qu awor nan ta produci electricidad tambe, e tarifanan di awa no a ser cambiá for di 1938. Ta logico qu tabata masha difícil, considerando e inversionnan grandi qu tabata costa pa engrandece e fabrica, pa baha e prijs di awa di un manera responsabel. Sinembargo Bestuurscollege ta di opinion qu awor ta posibel pa nan manda un proposicion pa Eilandsraad pa baha prijs di awa, basta e reduccion aki ser acompaña cu un explotacion economico di e fabrica.

Riba isla tan secu manera Corsow, caminda nos tin qu saca awa dushi for di laman, ta logico qu awa no solamente ta un cos di primera necesidad pero qu e ta intimamente relaciona cu e problema social di nos isla. Ta pesei Bestuurscollege a trata di laga qu e hendenan qu tin menos entrada lo probecha mas tantu di e reduccion aki y ta pesei nan a hasi un cambio den e diferente categorianan qu antes tabata existi pa cobramentu di awa.

Antes tabatin cinco categoria, awor tin solamente cuater. Promer categoria A-1 Den e promer categoria aki un hende qu ta paga huur dicas te cu 75 florin pa luna, tin qu paga un Vastrecht di Fl. 3,75 pa luna.



Bestuurscollege di Corsow den su totalidad ayera tardi durante e conferencia di prensa. Di robes pa drechi diputado R. Winkel, A.A. Jonckheer, S.G.M. Rozendal, F. Pijpers y R.M. Martinez.

Pa e suma aki e tin derecho di usa 3,75 meter cubico pa luna y pa cada meter cubico mas, e tabata paga Fl. 1,75. Antes e meseter a paga Fl. 2,-- pa cada meter cubico mas qu e usa. Den e categoria aki tin 14,500 cas di manera qu di e total di 22,000 cas qu tin awa na Corsow, e grupo aki ta esun qu ta beneficia mas tantu, local ta hustamente e intencion y proposito di Bestuurscollege pa hasi e medida aki beneficioso pa e grupo di mas grandi qu ta pueblo. Di manera pues qu den e grupo aki un meter cubico ta costa un florin.

Segundo categoria A-2

E hendenan qu ta biba den un cas caminda nan ta paga Fl. 75,- pa Fl. 125,- tin qu paga un Vastrecht di Fl. 7,90 pa luna pa cual nan por usa seis meter cubico di awa. Aki tambe nan ta paga Fl. 1,75 pa cada meter cubico mas qu nan usa. Den e categoria aki un meter cubico ta costa Fl. 1,32 qu di tur manera ta muchu mas barata qu loque e tabata antes.

Categoria A-3

Den e categoria aki qu ta pa hendenan qu ta biba den un cas caminda nan ta paga di 125 pa 200 florin pa luna, tin qu paga Vastrecht di Fl. 11,45 pa luna pa ocho meter cubico, y qu ta hustamente e prijs bieuw qu tabata ser cobra años caba di Fl. 1,50 pa meter cubico. Den e categoria aki tambe pa cada meter cubico extra qu ser usá, ta paga Fl. 1,75 enbes di Fl. 2,- manera antes tabata e caso.

Categoria A-4

Den e ultimo categoria nos ta mira qu e Vastrecht ta Fl. 15,- pa 10 meter cubico, esta e hendenan qu ta biba den casnan grandi, ta paga Fl. 1,50 pa un meter cubico. Den e categoria aki tambe nan ta probecha di qu e uso di mas awa ta ser pagá cu Fl. 1,75 pa cada meter cubico qu nan usa extra.

Comparacion

Si nos haci un comparacion entre e tarifanan anto nos ta mira qu den e promer categoria, caminda tin mas tantu abonado di awa, qu nan ta paga Fl. 1,- pa un meter cubico -- den e segundo categoria Fl. 1,32 pa meter cubico -- den e tercer categoria nan ta paga Fl. 1,43 pa meter cubico y den e ultimo categoria e prijs ta keda Fl. 1,50 pa meter cubico.

Otro comparacion cu e tarifa bieuw ta mustra nos qu nan no a baha e uso di mas drasticamente sino a baha e di dos florin riba Fl. 1,75.

Esaki ta pa evita bahamentu drastico den entrada di e fabrica.

Prijs di awa lo sigui baha

Diputado Rozendal ayera tardi a mustra qu awor qu nan ta bai propone Eilandsraad pa aproba e bahamentu di prijs di awa aki, esnan qu financieramente ta fuerte lo mester yuda esunnan qu financieramente ta menos fuerte, paga aunque qu pa casi tur categoria, e prijs di awa a bira mas barata.

Finalmente diputado Rozendal a mustra qu Bestuurscollege no a papia ultimo palabra den e asunto aki ya qu despues qu nan amplia e fabrica di awa y qu nan economisa e aparato di produccion y distribucion, Bestuurscollege lo bolbe considera pa propone pa baha prijs di awa mas tantu ainda.

Deteni en coneccion cu robo.

SAN NICOLAS - En coneccion cu e robo di dies florin for di den kashi di un cas na Stuyvesantstraat durante ausencia di e doño, informacion cual nos a publica den nos edicion di ajera, recherche a detene un mucha muher di 13 años kende a reconoce cu ela comete e robo. Despues di interrogatorio e mucha muher en cuestion a word e entrega na su mama, kende manera ta natural lo a duna su castigo mereci.

ACCIDENTE RIBA TERENO DI LAGO

SAN NICOLAS - Dialuna mainta pa mas o menos diesun or y binti a ocurri un accidente riba tereno di Lago, envolviendo un trahador di e firma contratista, "Mac Kee". E trahador en cuestion tabata manehando un "drill boor", cobando un buracu, ora cu na un dado momento e aparato a slip y a hincalo den su barica. Despues di atencion medica den Hospital e homber aki por a bai cas.

BUILDING TOMORROW! You've got to make way for the future. Tomorrow there'll be humming American industry here. This work keeps him mighty busy. His cigarette is a Camel. He knows Camel's real taste satisfies longer!

Do you keep reaching for taste that's not really there?

Camel's real taste satisfies longer!

No fads. No fancy stuff. The best tobacco makes the best smoke.

Get with Camel... a real cigarette!

GRATIS-sin paga nada-GRATIS

Dole



goblin

Cu 50 etiket di DOLE Bop por haya un rifa GRATIS di 2 bicicleta y hopi premios CASH.

Of bo por haya cu 50 etiket 4 bunita beker di Plastic.

Cu solamente 25 puntos (cada liber ta un punto) di harifa Gold Medal bop por haya 1 dozijn di bunita glas di bebe awa.

Pa 12 etiket di GOBLIN 4 bunita glas di bebe awa of pa 6 etiket di Goblin 3 juguetes cu cos dushi.

Usa productonan bon. Spaar etiket pa regalonan completamente gratis na: **ARENDS AGENCIES** Wilhelminastraat 12, Tel. 1478.

DE VEER THEATER

aireacondiciona

ta presenta 21, 22, 23, 24, 25, 26 & 27 juli

"ARABESQUE"

Cu Sofia Loren & Gregory Peck

f. 2,--

18 aña

AUSENTE

DR. A. JANSSENS,
Oranjestad

for di dia 21 di juli
te 7 di Agosto.

Na su lugar: Dr. R.D.
GUDA y Dr. J.G.H.
JANSSEN.

TELEFON ESPECIAL PA PUBLICO POR HASI NAN RECLAMO

WILLEMSTAD, -- E Dienst di Openbare Werken ta consisti di 16 diferente afdeling. Esakinan tur te awor, tabata por a ser yamá telefonicamente na e number 13000, cu tin 10 linea.

Ta sosodé di bes en cuando cu un hende mester warda poco prome cu e hanja e comunicacion cu e ta desea y te ora cu e hanja comunicacion tin biaha e

no sa cuá afdeling ta esun cu e mester ni ta cua ta e ambiente na cu lo por atendé.

Pa haci posibl cu informacion keho y reclamo, of peticion pa un servicio di Openbare Werken por ser atendé cu más rapidez posible, a ser instalá for di diaduna ultimo, 17 di Juli, un servicio di telefon especial na Openbare Werken, y esey ta:

13013

Pa via di instalacion di e number di telefon aki, lo haci cu e servicio cu Openbare Werken tin di duna na publico ta ser mehorá y e number regular di e departamentu (13000) ta ser alivia considerablemente.

Tur informe cu un hende ta desea por ehempel encuanto bestia morto cant'i caminda, situacion di emergencia creá pa awaseru, y tur informacion otro tocante di Openbare Werken, awor mester ser solicita na number 13013.

E yamadanan cu drenta na telefon 13013, ta ser registrá y pasá mesora pa e afdeling concierne cu lo duna atencion na e asunto.



Bo kier regala algo, pero bo no sa kiko? No vacila, pasa libremente y mira nos coleccion grandi di joyas, na prijsnan favorables.

CH. RAGUNATH
Nassaustraat.

Y corda cu regalonan cumpra serca nos, ta wordé grabá gratis.

HOROSCOPO

ARIES- mar. 21 a abril 19-Ocúpese de las obligaciones que tiene adelante. Cooperé más con sus asociados. Cerciórese de que su ropero sea más moderno.

TAURO- abril 20 a mayo 20-Préstete más atención a su apariencia. Haga el trabajo que sea necesario. El hogar le dará un incentivo nuevo.

GEMINIS- mayo 21 a jun. 20-Necesitará hacer mucho para lograr mayor armonía en su hogar. Invite a personas fascinantes. Muéstrese alegre. Usted posee habilidad.

CANCER- jun. 21 a jul. 22-No se demore más. Visite a sus amistades. Busque en su periódico la información que necesita. Haga buenos contactos.

LEO- jul. 23 a ago. 22-Haga sus decisiones temprano con respecto a sus actividades. Trate de no ser extravagante. Evite preocupaciones por tonterías.

VIRGO- ago. 23 a sept. 22-Comuníquese con las personas que usted desea de aliadas. Una reunión será muy agradable. Sea cortés y amable.

LIBRA- sept. 23 a oct. 22-Quite del camino los obstáculos que demore su progreso. Tome con calma los problemas irritantes. Diviértase esta noche.

ESCORPION- oct. 23 a nov. 21-Estimule a un amigo bueno que está algo decaído. Acepte esa invitación que le traerá buenos resultados. Vístase como es debido.

SAGITARIO- nov. 22 a dic. 21-Usted podrá hacer una buena impresión en sus asociados. Haga algún trabajo cívico importante. Disponga de más tiempo para sus

CAPRICORNIO- dic. 22 a ene. 19-Esas ideas que usted tiene requieren más estudio. Obtenga información de varias fuentes. Un conocido nuevo le ayudará.

ACUARIO- ene. 20 a feb. 18-Calculé cómo va a manipular los cobros y pagos. Sea considerado con un ser querido. Toda su vida será más ideal si hace un esfuerzo.

PISCIS- feb. 19 a mar. 20-Satisfaga a sus socios manipulando los asuntos eficientemente. Siga sus corazonadas. Use su ingenio. Dependa de usted mismo.

DISCRIMINACION CONTRA MAESTRONAN DI SCHOOL QU A STUDIA NA CORSOW

WILLEMSTAD- Un di e tres decisionnan qu Bestuurscollege a anuncia ayera tardi durante e conferencia di prensa na Bestuurskantoor, tabata e eliminacion di e discriminacion qu tabata existi entre e maestronan qu a hafa nan Hoofdakte na Hulanda y esunnan qu a hafa nan Hoofdakte aki na Corsow.

E eliminacion aki tin forza retroactivo te cu dia promer di januari di e aña aki.

Diputado di Enseñansa, señor S.G.M. Rozendal, ayera a splica qu e discriminacion aki tabata existi pa años caba y tabata resultado di e hecho qu antes mester a busca maestronan cu Hoofdakte for di Hulanda pasobra no tabatin e posibilidad pa maestronan hafa e hoofdakte aki na Antillas.

Despues qu e posibilidad a ser crea pa yunan di terra hafa nan Hoofdakte aki, e situacion a bin existi qu yunan di terra tabatin e mesun papel pero qu nan tabata gana menos.

Awor Bestuurscollege a tuma e decision pa elimina e situacion discriminatorio completamente cuminsando dia promer di October proximo.

E asunto a ser reglá den su totalidad door di schuif tur maestro cu tweede, derde y vierde rang cu un aumento periodicamente den rango pa compensa e diferencia mientras qu tambe Bestuurscollege a aumenta e schaal di salario cu un periodiek mas, pa asina duna esnan qu a alcanza nan maximo oportunidad di probecta di e decision aki.

Naturalmente mester consulta cu gobernador ainda riba e asunto aki pero di tur manera e ta casi definitivamente reglá.

Pa compensa e maestronan qu actualmente ta studiando pa nan Hoofdakte y qu ta den servicio di gobierno insular, a ser crea e posibilidad qu si nan hafa nan Hoofdakte denter di cuater aña, nan lo disfruta di e mesun derecho qu esunnan qu lo bai hafa e awor aki mes.

Cu e medida aki Bestuurscollege a remedia mesora tambe e situacion insano qu tabata existi di qu mester a ofrece e maestronan cu Hoofdakte for di Hulanda cantidad di privilegio mientras qu esunnan qu a hafa nan Hoofdakte na Antillas, no tabata disfruta di e mesun privilegianan aki, siendo qu nan tin e mesun papelnan.

WILLEMSTAD- Durante e campaña electoral qu a pasapromer qu e eleccion pa Eilandsraad qu a tuma lugar dos luna pasá, Partido Democrático a priminti qu un di e cosnan qu nan lo regla mas pronto posibel ta e proteccion medico pa famianan di tur trahador di gobierno.

Durante e conferencia di prensa di ayera tardi, diputado Rozendal a anuncia qu nan ta spera di por introduci e proteccion aki cuminsando dia promer di October proximo, si e deliberacionnan cu companianan di aseguro yega na un final feliz.

Actualmente gobierno insular tin 1500 obrero y trahador den servicio quendenan no ta disfruta di e mesun privilegianan qu nan coleganan den servicio di companianan privá ta disfruta di dje. Den sector privá, e coleganan aki por hafa privilegianan serca nan compania mediante contratonan colectivo di trabao y considerando qu tabata trata aki di un factor inhusto, Bestuurscollege a dicidi pa serra un aseguro di enfermedad pa famianan di e trahadornan aki, en espera di un ley general di aseguro contra enfermedad.

Ley tabata encerra e posibilidad pa gobierno insular tuma e medidanan necesario pa protegi famianan di e trahadornan contra

Otro medida qu Bestuurscollege a tuma pa en relacion cu maestronan den e ramo di E voudig Technisch Onderwijs y ger Technisch Onderwijs. Tempu qu nan a cuminsa qu e se di enseñansa aki, nan no ta ta dispone riba maestronan tabatin e papelnan necesario trabao aki y nan tabata utili personan cu tabata sa e trabao pero no tabatin e diploma.

Años largo e hendenan aki a dedica nan mihor esfuerzonan na e clase di enseñansa aki y a satisface completamente.

Awor aki Bestuurscollege a tuma e decision pa duna e personan aki un toelage riba nan sueldo di manera qu nan sueldo ta bala cu e maestronan qu ta hafa e mesun trabao cu nan, pero sin tin e papelnan adecuado.

E maestro y maestranan qu traha den ramo di Bijzonder Lager Onderwijs, esta dunando e enseñansa na muchanan tantu físicamente como mentalmente retardá, tambe a hafa un toelage ba nan salario mientras qu e personan qu tabatin años ta trahen e ramo aki sin e papelnan nan caso lo ser considerá indidualmente pa mira si nan por hafa un toelage cu forza retroactivo cu dia promer di januari e aña aki.

Al respecto diputado Rozendal a splica tambe cu Bestuurscollege lo no bai nunca mas atras e dunamentu di un toelage di promocion sino te dia promer di aña aki, contrario na e practica di e anterior Bestuurscollege duna un ambtenaar promocion aumento di sueldo cu un for retroactivo di dos of tres aña.

E posicion di director y subrectornan di Middelbare School tambe a ser corregi y mehor en total como 700 persona lo beneficia di e medidanan qu Bestuurscollege a tuma pa elimina e discriminacion qu tabata exist den e ramo aki pa e personal docente den enseñansa.

Un palabra especial di danki pa diputado Rozendal tabatin pa e atencionnan di departamentu di Enseñansa y Asuntunan Jurídico di gobierno insular y tambe di Personelszaken qu a traha incansablemente durante e ultimo dia aki pa prepara e medidanan na cual Bestuurscollege a tuma e decision.

enfermedad pero pa diferente tibu nunca antes nan a hafa di e oportunidad aki.

Manera diputado Rozendal a splica ayera, nan ta tratando cu companianan di aseguro pa yega na un acuerdo pa e trahadornan y famia. E ventaha grandi qu e tema aki ta encerra ta qu gobierno no tin mester di tuma cu ter den su servicio mientras e trahador no ta obligá di balseca un dokter di gobierno, sino su familia por bai serca e dokter di aseguro.

Cu e medida aki, Bestuurscollege di Partido Democrático busca solucion pa un di e problemnan mas urgente qu tabata existi pa e trahadornan den servicio di gobierno insular, y qu ta e proteccion contra enfermedad pa nan famianan.

Hendenan qu ta traha e mesun trabao, pero pa un compania particular, tabata goza di mihor condicion y mas privilegio pasoban tabata den e condicion di un contrato colectivo, pero trahador di gobierno no por a hafa esaki. Awor gobierno insular a remedia e situacion aki y protegi famianan di e trahadornan aki be lo por hafa e cuidu y atencion medico necesario.


DIA PA DIA

MAS GUSTA

PA MAS

ANTILLANO





**Tabaco...
FINO!
Humada...
PURO!**



**CASINO
CHARCOAL FILTER**



PAGINA DEPORTIVA

PRESENTA

PA:



PERISCOPIO MUNDIAL

Guardianan comunista chines a invadi territorio sovietico

MOSCU- Guardianan Comunista Chines a invadi territorio Sovietico na varios ocasion y a ataca e guardianan fronterizo di e pais aki, segun ta ser bisá pa e corant Pravda. Turbanan di mas o menos mil "guardia rojo" na pia y den truck a crusa e riew congelá Ussuri, sur di e ciudad Siberiano, Khabarovsk tratando di "diverti nan mes". E corant ta bisa aserca, cu no tabatin choquenar militar den e sentido cabal di e expresion.

Accidente di avion a causa morto di hopi hende

TANARIVE (MADAGASCAR)--Un avion di Air Madagascar cu tabatin 75 persona na bordo a cai algu despues cu ela lanta for di aeropuerto. Ta ser bisá cu e minister di relacionnan exterior di Madagascar, Albert Sylia, tabata den e aparato na momento di e desgracia. Autoridadnan a participa cu tin numeroso victima. Informacionnan cu no a ser confirmá ta bisa cu Sylia a muri den e accidente.

Aparatonan B-52 a tira tonelada di explosivo riba ruta di infiltracion comunista

SAIGON--Awe gigantesco aparatonan B-52 a larga tonelada di explosivo cai riba e ruta di infiltracion di e Norvietnamesnan pa Vietnam del Sur. Durante dos incursion, e aparatonan di ocho motor a tira bom riba trucknan stacioná, deposito di material di guerra y campamento di tropa den e valle Shau. E atakenan aki tabata un importante movimiento di e campanja cu a ser iniciá pa e Norteamericanonan pa corta e suministro di arma y homber for di e soldanan regular di Vietnam del Norte, cual ta trata di arrebatá e provincianan septentrional di Vietnam del Sur y e forsanar aliá.

Masha poco posibilidad pa NN.UU. hanja un resolucio aproba

NACIONNAN UNI- E posibilidad di un decision di Asamblea General di Nacionnan Uni riba e crisis di Medio Oriente parece di a desaparece awe, a menos cu Union Sovietico dicidi onverwachts di acepta un proyecto di resolucio latinoamericano cu ta pidi retiro di e Israelienan for di territorio Arabier y un declaracion cu ta pone un fin na e estado di guerra.

Relacionnan diplomatico sovietico-arabier ta mehorando

CAIRO- E movimiento diplomatico entre Moscu y Cairo a bolbe cuminsa awe, ora vice-minister di relacionnan exterior, di Union Sovietico, Jacob Malik, a regresá su pais for di Rau mientras dos hefe di estadonan Arabier-cu a caba di jega back for di su bishita na e capital Sovietico, a conferencia cu president di Republica Arabi Unif, Gamal Abdel Nasser.

Observadornan ta operando di acuerdo cu "consenso di opinion" di conseho di seguridad

JERUZALEM--Un vocero di Nacionnan Uni, awe a declara cu no ta existi tal cos manera un linja di demarcacion den e canal Suez entre e tropanan Israeli y Arabier.

MOSCU -- "Guardianan Comunista Chines a invadi territorio Sovietico na varios ocasion y a ataca e guardianan fronterizo di e pais aki", corant Pravda ta bisa awe.

E organo di e partido Comunista Sovietico ta bisa cu turbanan di mas o menos milguardia rojo, na pia y den truck, a crusa e riew congelá Ussuri, sur di e ciudad Siberiano Khabarovsk durante invierno. E diario ta sigui bisa cu no tabatin chokenan militar den e sentido cabal di e expresion.

Pero e redaccion no muchu cla ta parce di ta indica cu efectivamente un lucha a estalla.

E ta bisa aserca cu e guardianan Sovietico mester a enfrentan cu un tenacidad realmente sobresaliente.

E corant ta indica cu e hobicitanan fanatico di "Guardia

Rojo" di e president di partido Comunista Chines Mao Tse Tung a "dirigi nan mes na multitud pa nos ribera" dirieuw Ussuri.

"Tabatin tiroteo di arma. Nan trucknan a pasa riba un cadena di e guardianan fronterizo cual a ser poné pa strobanan di sigui mas lew.

E informacion ta duna e descripcion mas detallá cu a ser ofrecé te ainda di un choque limitrofe Chines-Sovietico.

E descripcion aki ta aparece den e di tres capitulo di e notanan di viahe cu e novelista Sovietico, Konstantin Simonov a efectua na Siberia. "Guardianan rojo a pone e nervionan di e soldanan fronterizo na prueba. Nan mester a muestra cu realmente nan tin nervio di heru,"

Simonov ta scirbi den su notanan.

Durante varios dia, e guardianan rojo a muestra nan mes particularmente insistente den nan intento pa crusa e frontera. Nan a jega den gruponandialgun cien y te hasta mil."

E escritor ta bisa cu organisadornan militar, bisti na panja civil, tabata move den e turba exita di hende.

Pero Simonov a senjala cu hopi di esnan cu a crusa e frontera tabata "personanan inocente" sin masha educacion cu tabata convence door di e propaganda cu tabata bisa cu nan ta haciendo algo necesario y util.

"Algun di nan tabata apela den Ruso malo, e solidaridad di clasenan di e guardianan fronterizo Sovietico y bisa cu esakinan no mester obedece nan oficialnan cu a bendenan cu Imperialismo Norteamericano."

Simonov ta scirbi den e corant mas autorisa di Union Sovietico.

Simonov no ta menciona perdida pa ningun banda, pero ta adverti cu e guardianan Sovietico tin orden estricto di evita tiramentu cu arma riba e bochincheronan Chines.

Y e ta afirma cu e invasionnan di e guardianan rojo no ta nada mas cu e ultimo den un serie di incidente cu e Sovieticonan mester a enfrenta.

Brevenan Panamericano

WINNIPEG--UPI - Tomas Villamar, presidente di e comite olimpico Guatemalteco a yega e ciudad aki cu e vanguardia di su equipo di 14 homber. El a expresa e esperanza di cu e competidor den salto haltu, Teodoro Palacios Flores lo ta e mihor homber di e weganan. E atleta aki, na cuminsamentu di e anja aki a ricibi e medalla di oro den e competencia di Jalapa na Mexico.

Ayera tardi a yega e argentinonan, e grupo mas grandi te na e momentunan aki, cu e cantidad di 165 persona. Na se-

gundo puesto ta sigi e cubano- nan cu 130 representante. Tambe lo asisti na e weganan di Winnipeg atletanan di Chile, Brasil, Puerto Rico, El Salvador, Colombia, Venezuela, Guatemala, Peru y Mexico.


E profesor mexicano Enrico Aguirre a yega tambe ayera tardi, despues di entrega e antorcha panamericano na Minneapolis (Minnesota) na dies corredor indio-canadiense cu diadomingo lo trece Winnipeg pa inauguracion di e weganan. Aguirre a bini cu ne den avion, for di Mexico pa Minneapolis. E corredor-

nan indio ta cubri entre 100 pa 130 kilometer diariamente den tempunan di 15 minuut, te ora nan yega Winnipeg.

--E equipo brasilenjo a aparece ayera den un corant local, representa pa esun mas haltu y esun mas abao di e equipo. Unfo to di tres kolom riba e parta ariba den prome pagina ta muestr e basquetbolista Emil Rachio cu ta midi 2,63 meter, entre e hisadonan di peso di e categoria liviano Paulo Batista de Sena y Luis Gonzaga cu apenas ta yega na un meter cincuenta dos. (1,52 m)



E primera base di Chicago White Sox, Tommy McGraw ta bai di ca den tribuna ora cu e trata di captura un foully. Tommy ta traha pa su salario, y si tur hungador traha asina, e ta bira algu.



E hopi sistemanan pa captura batasonan largu. Cookie Rojas di Phillies y Steve Whitaker di Yankees na robes y drechi ta busca un chens, pero meimei Hank Aaron di Braves ta para trankil, sabiendo cu e no por yega pa hasi e catch.



NOS TA PARTI PLACA

PARTICIPA Y GANA CU

CONTEST Rey De Copas CONTEST

SORTEO DIA 27 AUGUSTUS 1967 NA TELEARUBA PA 6.30 - 6.45 P.M.

CAMBIANDO BO BOTTERNAN BASHI DI RON REY DE COPAS LO BO POR GANA E SIGUIENTE PREMIONAN

PROMER PREMIO

SEGUNDO PREMIO

ADEMAS 8 PREMIO DI



50 PREMIO DI 1/2 GALLON RON REY DE COPAS

REGLANAN PA PARTICIPA

1 BOTTER BASHI REY DE COPAS DI 6/2	— — — — —	2 TICKETS
1 BOTTER BASHI REY DE COPAS DI 12/1	— — — — —	1 TICKET
2 BOTTER BASHI REY DE COPAS DI 24/2	— — — — —	1 TICKET
4 BOTTER BASHI REY DE COPAS DI 48/4	— — — — —	1 TICKET

Cada persona por participa cu cuanto ticket cu e ta desea contal cu e entrega pa cada ticket e cantidad di botter bashi requerido.

CAMBIA BO BOTTERNAN BASHI DI RON REY DE COPAS NA

**ARUBA DISTILLING CO. N.V.
WILHELMINASTRAAT 17**



JOE FRAZIER TA FAVORITO PA GANA GEORGE CHUVALO

Pa William Verigan, NEW YORK, --UPI--E boxdo di peso pesado Joe Frazier tabata favorito di proporcion diesuncinco ayera pa su pelea di awe nochí contra e canadiense George Chuvalo, un di e boxdonan mas agresivo actualmente, den un pelea di diesdos round cu nan lo sostiene den MadisonSquare Garden.

Aunke e pelea no ta parti di e eliminatorio pa e título vacante, propone pa Asociacion Mundial di Boxeo, e pelea di Chuvalo y Frazier, probablemente lo ta factor importante pa determina quen de lo reemplaza Clay como poseedor di e corona maximo den boxeo.

Frazier di 23 anja y segun expertonan, e probable campeón nobo, lo enfrenta un di e recio rivalnan den su carrera di tres anja ora cu e topa cu Chuvalo den ring. E canadiense hamas a ser pone knockout o tumbá y tin 47 victoria, 13 derrota y dos empate. El a knockout tur su ultimo dies dos adversarionan, aunke tur tabata di segunda categoria.

Frazier, oriundo di Filadelfia, a knockout 14 di su 16 adversarionan, quendenan ta boxdonan di nomber, pero cu awor ta dende cadencia. Entre nan ta figura Eddie Machen y Doug Jones. Frazier a logra un impresionante triunfo riba e argentino Oscar

Bonavena despues di a wordu tumbá dos biaha den segundo round. E reciente caidan di Frazier tabata door di slanan cu elahanja na su cachete y Chuvalo a bisa cu el lo termina Frazier pa medio di knockout.

"Mi ta spera di gana pa via rapido", asina e canadiense a declara, Chuvalo tin 29 anja. "Mi ta comprende cu esaki por ta mi ultimo oportunidad y knockout ta e unico firma sigur pa triunfo".

Chuvalo y Frazier lo ricibi 50 mil dollar cada uno pa e pelea. E organisadornan ta pensa cu mas o menos 15,000 persona lo bin mira e pelea y lo paga e cantidad di 110,000 dollar na entrada.

Racing Club den final contra Nacional pa Copa Libertadores de America

SANTIAGO --UPI--Cumpliendo un actuacion extraordinario, apesar di e normalidad di e terreno, Racing Club di Argentina a vence Universitario de Deportes di

Peru cu score di dos-uno y a clasifica pa hunga e wega final di Copa di futbol Libertadores de America cu Nacional di Uruguay. E prome etapa a favorece e argentinonan cu score di uno-cero.

E partido a ser efectua den estadio Nacional den hapiawacero cu a stop solamente un ratu ora e segundo etapa a cuminsa. Apesar di e tempu cu tabatin casi 10 mil persona a presencia e encuentro y cariñosamente a aplaudi e dos equiponan pa e esfuerso cu nan a desplega.

E wega tabata duro na algun momento y e referee brasileño Antonio Vulg mester a pone tur esfuerso pa e por a controla e accionnan. Producto di e accionnan brutu a sali pa lesion, Casaretto di Uni-

versitario, na di 16 minuut di e prome tempu, siendo reemplaza pa Iwasaki y Cardenas di Racing ora e segundo fraccion a cuminsa, siendo reemplaza pa Parentis. E victoria di Racing tabata mereci pa motibu cu nan a emplea nan combinacionnan mihor, pero Universitario no a entrega ningun momento.

Tur e dos equiponan a utiliza un stilo defensivo, di cuater-tres-tres.

E terreno cu tabata slip asina tantu a stroba cu e equiponan por a duna mihor wega.

E prome gol argentino a ser marca pa Raffo, mediante un cabezazo, luego di un pase di Mori. E keeper peruano a sali malu pa intercepta e bala y a keda descoloca, permitiendo e fulminante entrada di Mori.

E gol aki no a descomponer e equipo peruano, cu a salir rapidamente en busca di e gol di empate, pero e defensa adversario a domina e delanteronan peruano.

Ora e segundo etapa a cuminsa, e peruanonan a continua cu nan ataquenan y despues di diescuater minuut en combinacion di Lobaton y Iwasaki pa percura pa e score bira 1-1.

E gol a ser anota pa Lobaton, pero ora wega a caba tur e dos hungadornan a declara cu ta nan a schop e cuero den net. E gol cu a dicidi e wega na favor di Racing Club a bini na di 22 minuut cu un bon tiru di Raffo.

ASTORGA (SPANJA) --UPI--Siete persona a perde nan bida ora un trein expres di Madrid pa Coruna a dal contra un auto den un paso a nivel, cerca di e ciudad aki. E siete ocupantenan di e auto a muri al instante.

Esaki ta e segundo accidente cu tuma lugar na Spanja den e ultimo 24 oranan.

Ayera na Palma de Mallorca, nueve persona mas a muri ora un bus a dal cu un otro auto. Siete a muri na lugar di e accidente y despues dos mas a muri na hospital.

CUBA A EXCLUI PARTIDO COMUNISTA VENEZOLANO FOR DI SU FILANAN

LA HABANA --UPI--E partido comunista Venezolano cu a abjura dje guerrillan y cu a alega na busca poder pa camina di urnanan, a ser exclui dje reunionnan dje organizacion Latinoamericana di solidaridad (SOLAS).

Dje manera aqui anto e gobierno di Fidel Castro, organizador dje conferencia destina pa elabora tacticanan di "lucha revolucionaria antiperalista na America Latina" a reforza su apoyo na e movimiento revolucionario venezolano. E comunistanan ortodoxo venezolano a ser acusá pa prensa Castrista di a claudica na e principionan cu ta orienta e lucha revolucionaria".

Nan ta spera cu den reunion di las Olas e representantenan izquierdista y comunista di america latina lo analiza e forma di hiba dilanti actividadnan subversivas incluyendo e lucha di guerrillan.

Aunke no inespera, e exclusion di partido comunista venezolano, cu ta sigui e linea di Moscu, parce ta significa cu Fidel Castro a nenga di tende e consehonan dje prome ministro soviético Alexei Kosygin di no abri mas e diferencianan interna cu ta agita e movimientonan izquierdista na America Latina.

Representantenan di 27 nacion y territorionan americano lo asisti na e reunion di Las Olas cu lo cuminsa dia 31 dje luna aqui y lo prolonga te dia 8 di augustus. E deliberacionnan lo realiza den Hotel Havana Libre nacionaliza, cu foi ayera a cerra su portanan pa por facilita e arregionan necesario pa e conferencia.

E reunion di Las Olas, entidad crea anja pasa den e conferencia tricontinental di solidaridad entre pueblonan di Africa, Asia y America Latina, a dispersa temornan den e nacionnan di hemisferio di un posible recrudecimiento dje accion insurreccional comunista.

Un comision especial dje organizacion dje estadonan americano a ser pone na accion pa analiza y evalua e consecuencianan dje conferencia, na cual tampoco no a ser invita ni den calidad di observador un delegacion di Yugoslavia.

Aparentemente e exclusion aqui ta debi pa motibu di un decision adopta na El Cairo pa e reunion central dje organizacion tricontinental cu ta considera cu e gobierno di Belgrado no a apoya incondicionalmente na Vietnam del Norte den su lucha contra e regimen di Saigon y su aliadonan.

Ademas di representantenan di nacionnan y territorionan americano nan a anuncia cu 85 organizacion progresista y observadornan di paisnan comunista y socialista lo ta presenta den e sesionnan, caminda nan ta spera cu alo menos lo papia den un oportunidad e prome ministro Fidel Castro.

Na Chile y Uruguay nan a forma publicamente agencianan nacional di Las Olas y nan ta quere cu den otro nacionnan tambe esquinan ta funciona clandestinamente.

Agenda dje reunion ta compren de cuater puntonan principal: --E lucha revolucionaria antiperalista na America Latina. --Posicion y accion comun frente e intervencion politico-militar y e penetracion economica di imperialismo na America Latina. --Solidaridad di pueblonan latinoamericano den luchanan di liberacion nacional. --Establecimiento di estatuto di organizacion latinoamericano di solidaridad.

ABONA
ARUBAANSE
COURANT



PAU, France --Radiophoto UPI-- Raymond Mastrotto ta laga su stuur-wiel bai ora e ta pasa finishline di e di 17 etapa di Tour de France. E trayecto tabata di Luchon pa Pau.

Pastrotti a gana Etapa 17 di Tour de France

PAU --Francia --UPI -- E veterano ciclista Frances Raymond Mastrotto, cu ta interveni pa di ocho y ultimo biaha den e buelta di Francia, a triunfa ayera den e di 17 etapa di e tradicional competencia.

Mastrotto, cu tin 33 anja, a observa cu probablemente esaki lo ta su ultimo victoria den e tour y a agrega: "Ya mi ho ta asina hoben mas, pero mi ta contento cu mi a gana aki, caminda mi tin asina tantu amigo."

E profesional frances a desconta e 50 kilometernan di Luchon pa Pau den 8 ora y 2 seconde, cu un promedio di 30,937 kilometer pa ora.

E frances Roger Pingon ta sigi encabesa e posicionnan general, y e ta parce e triunfador sigur, aunke te ainda falta cinco etapa. Su adversarionan mas peli-

groso ta e spanjo Julio Jimenez cu no a logra reduci su desventaja a pesar di a corre den terreno di cerrunan cu ta su especialidad.

MILWAUKEE --UPI-- Den e segunda buelta di e torneo Suburban Town Club de Tennis, e tenis norteamericano Martin Riess a derrota e mexicano Joaquin Loyo Mayo cu score di seis-cer y seis-uno.

Herb Fitzgibbon, ta be di estado Unidos a derrota y elimina e chileno Jaime Fillol cu score di seis-tres, dos seis y ocho-seis y Cliff Richer, norteamericano a vence Stanley Pasarelli di Puerto Rico cu score di siete-cinco y ocho-seis.

Den e torneo di damas, Rosemary Casals di Estados Unidos derrota Maria Guzman di Ecuador cu score di seis-tres, cinco-siete y seis-cuater.

CAIRO --UPI -- E movimiento diplomatico entre Republica Arabe Uni y Moscu ta mehorando. E vice minister di relacionnan exterior di Union Sovietico, Jacob Malik, a regresa su pais, for di RAU, mientras dos hefe di e estadonan Arabier, cu acaba di regresa for di Moscu, a conferencia cu president di Republica Arabe Uni, Gamal Abdel Nasser. E corant autorisá, Al Ahram, ta bisa cu Malik awe mainta a sali pa Moscu, ocho dia despues cu el a jega Cairo pa realiza combersacionnan durante dos dia cu e autoridadnan Egypcio.

Entretanto e situacion na canal

di Suez ainda ta tenso, pero ya pa di tres dia consecutivo, nada a pasa.

Nasser, e presidente Argelino Houari Boumedienne, e promer magistrado di Irak Abdel Aref, y e prome minister di Sudan, Mohamed Ahmed Mahgoub, a conferencia te marduga grandi, despues cu Boumedienne y Aref a regresa for di Moscu. Boumedienne y Aref a reuni 10 ora largo cu e promer Minister Sovietico Alexei Kosygin, y e hefe di partido Comunista Leonid Brezhnev, for di nan jergada na e capital Sovietico di Moscú.

TUR SIMAN TRES PREMIO

F. 100.00 F. 25.00 F. 25.00

NA CASH

Cambia 5 paki bashie di cigaría

ANTILLANA

ANTILLANA FILTER

PALM BEACH

CASINO

No: **A.D. JONCKHEER, N.V.** - Brionplein 4 of na

ANTILLIAANSE SIGARETTENFABRIEK

ASTEROIDENWEG 21

pa un ticket cu ta participa tur Diasabra 9.15 p.m.

den sorteo na **TELECURACAO**

"CAMBIA BO PAKINAN BASHI NA AURORA B - STA CRUZ"

PRESIDENTENAN DI PARAGUAY Y ARGENTINA A CRITICA GUERRILLA

BUENOS AIRES -UPI- Presidentenan di Paraguay y Argentina, generalnan Alfredo Stroessner y Juan Carlos Onganía tabata ayera indirectamente e guerrilleronan comunista cu ta opera den distinto puntonan di continente.

Ambos general a condena severamente e intentonan subversivo den e discursonan cu nan a pronuncia ora cu Stroessner a confirma na Onganía e maxima condecoracionnan di su patria cu ta "e collar mariscal Francisco Solano Lopez", pa e reciente firma di un tratado di libre negociacion dje riunan cualnan su awa ta banja terra dje dos paisnan aki.

Stroessner quende a yega pa un bishita di tres dia na Argentina, a bisa cu Nacionalismo no tin na mundu sustitivonan cu ta reemplaza ora cu ta emomentu preciso pa defende democracia y libertad, sea denter di nos propio frontera of ora ta preciso pa arma legionnan di homber liber cu ta bay mas aya di lamannan y di dignidad conseqüi pa trupanen di mercenarianan cu no tin exculpulo di proclamanan esclavo di ideanan foranea y dispuesto na erigi tributonan pa escandalo di indignonnan y burla di traidornan di patria.

Tambe el a exhorta e "unidad americana" cu mester ser obligacion di tur y ta un ideal cu ningun hende mester deserta."

Y den e segunda mencion respecto comunismo el a bisa: "Nos ta rechaza cu energia e ideanan dje enemigunan di occidente, e mes ideanan cu ke somete nos na e medida dje regimennan cu ta nenga e derechonnan humano ora cu nan ta mata pa traicion e campesinonan inocente cu ta cultiva terranan of obreronan di fabricanan cu ta aporta su concurso pa progreso dje nacion".

Di su banda Onganía a gradici pa e condecoracion, cu a ser otorga na dje y el a bisa cu "Paraguay - y argentino - nan ta dispuesto na impedi amenazan di materialismo, no solamente expresa den predica ideologia, ma tambe den guerra subversivo cu e por concreta den su territorionan y contra esakinan lo e usa tur medionan cu ta na su alcance.

Onganía tambe a recorda e reciente firma dje convenio di navegacion denter dje dos paisnan y a bisa cu no tin duda cu e acuerdo aki lo contribui na reforsa e lazonan di amistad y pa e caminda ey e dos nacionnan huntu cu e demas hermanado den identico proposito, lo realiza un modelo di integracion regional, cu lo tin e virtud esencial di suma e esfuersonan y e recursonan di tur, respetando e individualidad nacional di cada un."

Prome cu e ceremonia ey, Onganía a presenta na Stroessner e miembronan di su gabinete y e mandatario Paraguayo a haci mescos cu esnan di su comitiva.

Stroessner a ricibi tambe saludo di e cuerpo diplomatico estranhero.

Primeramente e presidente Paraguayo a dirigie na Corte Supremo di Husticia caminda el a saluda protocolarmente su integrantes na cual ocasion el a pronuncia un discurso nobo, exaltando e concepto di husticia.

Ora cu e tabata pasa door di cajan dje ciudad, publico a salud cu simpatia y den un dje dos ocasionnan, a ser lanza volantenan cu e leyenda: "General Stroessner", pueblo di Peron ta saluda bo."

Medionan Peronista a bisa cu esaki ta debi na loke e exdictador Juan D. Peron a refugia na Paraguay ora cu esaki a ser deroca na 1955.

Oranan prome cu Stroessner a subi e hotel caminda el a bai logeer, poliznan a arresta seis persona cu a lanza volantenan di un supuesto "comando Peronista" y el a bisa cu su leyendanan tabata enemical na bishitante.

Arubaansche Courant lo ser incorporá den La Prensa

Pa medio di esaki nos kier a participa na nos lectornan, en general pero en particular esunnan di Aruba, cu cuminsando dia promer di Agosto proximo, e diario Arubaanse Courant lo stop di ser publicá, den su forma actual y lo ser incorpora den La Prensa.

For di e fecha en cuestion, nos lectornan na Aruba lo hafa nan corant muchu mas trempa qu tabata e casi anteriormente, ya qu nan lo hafa nan corant for di atardi, mescos qu e lectornan na Corsow.

Ademas di esei, esaki lo tini como resultado qu un enfoque muchu mas efectivo ta ser lográ di tur informacion local na Aruba, ademas di qu e lectornan na Aruba lo por disfrutá di un diario cu muchu mas tantu pagina. Nos ta spera di por sigui conta cu e abonadonan qu den pasado tabata abona riba Arubaanse Courant, awor qu e ta bai ser incorporá den La Prensa.

CANDELA A DANJA CAS DI MARTIR DI INDEPENDENCIA BRASILENJA

OURO PRETO--UPI--Bombero-nan a domina e encendio cu a extende ayera den enter e ciudad historica y cu a danja cas dje martir di independencia Brasilenja.

E candela a enfureci den Ouro Preto den e prome oranan di marduga. El a destrui varios edificionan y a obliga mobilizacion inmediata di e bomberonan di Bello Horizonte, capital dje estado cu ta keda solitario na algun kilometer di distancia dje calamidad.

E ciudad aqui tabata e centro dje distrito di minanan ricu di oro cu a atrae e barcunan portugues na mediado di siglo 18, ora cu e minanan a nenga di produci, e ciudad a declina rapidamen-

te. Majoria dje casnan a queda inhabita ora cu e gobierno federal a converti na Ouro Preto den un monumento nacional y un atraccion pa e publico.

Ouro Preto tabata e capital dje estado di minanan Gerais te na fin di siglo pasa. Un dje casnan cu a sufrí mayor danjo sin queda completamente destrui tabata e cas cu a pertenece na Joaquim da Silva Xavier, cu a encabeza un movimiento pa independiza Portugal, Portugues nan a traslade pa Rio de Janeiro. Nan a horke aya y su troshinan di su curpa descuartiza nan a manda Ouro Preto y otro ciudadnan como un skrement. Xavier a ser ajusticia na 1789 y independencia di Brasil proclama na 1822.

Israel kier pasashi liber pa su bapornan den Suez

JERUSALEM--UPI--Fuentenan gubernamental dialto nivela afirma ayera cu Israel lo defende su unidadnan naval den e canal di Suez contra cualke atake Egipcio.

"Si El Cairo interferi nos barcunan den canal di Suez", asina e fuentenan a precisa, "lo nos haci mescos cu esnan di dje".

Na sistema di prueba Israel a envia algun embarcacion chikitu, tripula pa trupanen, na largura di varios seccionnan dje orilla occidental dje canal.

E decision aqui a ser interpreta como un simbolo di su intencion di insisti den e paso libre di su navegacion ora cu e Egipcianan reanuda e transito pa e via ei.

Segun Israelies, e Egipcianan a dispara den varios ocasion contra lanchanan, un di cualnan, segun e Egipcianan, a cai den nan man cu nan dos tripulantenan.

E fuentenan a expresa ayera nan presuncion di cu presencia y movimiento di su lanchan den e canal a ser adverti caba pa e observadornan di Nacionnan Uni cu ayera a asumi nan funcionnan den e puestonan di control.

E mes fuentenan ta entende cu hopi observador lo a informa riba cualke atake contra e unidadnan ei, agregando cu lo nan interpreta cualke accion hostil dje Egipcianan, den e caso ei, como un acto di agresion cu lo a exigí un accion defensiva paparti di Israel.

E observadornan internacional a senjala cu durante di nan prome 12 oranan di servicio a prevalece e calma den enter e zona.

Incidentenan di tipo menor a ser denuncia den sectornan di Tulkarem y Bahan, esei tambe como un intento pa sabotea e suministro electrico na un comisaria di poliz, pero e noticia no a haci mencion di danjo of di perdidanen.

E observadornan di Nacionnan Uni ta na nan puesto na un y otro lado dje canal.

E cuater apostadonan na e orilla pa Israel ta un Australiano, un Italiano, un Belga y un Sueco, mientras cu dos sueco mast den orilla Egipcia.

Un portavoz dje organizacion mundial a bisa cu lo no tin comunicacion directa denter di ambos equipo debi na oposicion dje gobierno di El Cairo, pa cual motibu, esnan cu ta na Egipto ta mantene contacto cu Ismailia y esnan cu ta na Sinai lo tin contacto cu Kantara, puntonan desde cualnan nan mensahe lo sea transmiti na Jerusalem, caminda tin su sede central, e general Noruego Odd Bull, hefe di e organismo di vigilancia dje tregua na Palestina (Nacionnan Uni).

TANANARIVE (Madagascar) -UPI-- Un avion di linea Air Madagascar cu tabatin 75 persona a bordo a cai poco despues cu ela lanta for di e aeropuerto internacional Ivato.

Ta ser bisá cu e minister di relacionnan exterior di Madagascar, Albert Sylla, tabata den e aparato na ora di e accidente. Autoridadnan ta bisa cu tin numeroso victima.

E avion tabata bula regularmente di Tananarive pa Diego Suarez riba e costa septentrional di e nacion islenjo aki.

Testigonan cu a mira e accidente pasa a bisa cu e DC-4 aparentemente a lanta normalmente, pero despues cu ela cuminsa subi, di repente ela cai riba terra, kibrando na dos pida.

Informacionnan no confirma ta bisa cu Sylla a muri den e accidente.

PROPOSICION PA MERCADO COMUN PA HENTER HEMISFERIO OCCIDENTAL

WASHINGTON--UPI-Estados Unidos mester a organiza un mercado comun den hemisferio occidental, eliminando tur e arangelnan y cuotanan riba e produccionan di America Latina y Canada. Asina un homber di negoshi a declara den un subcomision di comercio di congreso norteamericano, mustrandu cu paisnan pover di America Latina no a pidi igual concesion di inmediateza pa e produccion norteamericana. El a agrega cu e preferencialnan comercial pa e paisnan en desarrollo di hemisferio mester desarolla gradualmente, posiblemente den transcurso di un decada.

Den su declaracion dilanti e subcomision conhunta dje dos camara pa e comercio exterior, McAshan a sugeri un politico a corto plazo di un creciente autoridad presidencial pa continua negociacionnan di reduccionnan den e a-

rangelanan.

E vicepresidente ejecutivo di American and Foreign Power Company di New York, H.W. Balgooyen, a manifesta cu Estados Unidos mester studia seriamente si ta practicable e establecimiento di un mercado comun den hemisferio occidental. Laga nos propone, cu igualmente Estados Unidos ta prepare pa establece un sistema di preferencia comercial den e region ei.

Balgooyen a afirma cu posiblemente lo tin necesidad di ambos cosnan si e mercado comun europeo continua su tratamiento preferencial cu e mancomunidad.

E president dje sociedad di politica economica internacional N.R. Danelian a pidi creacion di un asociacion di comercio liber di atlantico norte cu por a cuminsa cu Estados Unidos y Canada. Despues lo e amplia na Gran

Bretania y su seis socionandene asociacion di comercio europeo liber den presuncion cu e organismo aqui no sea admitidene mercado comun.

E mercado comun latinoamericano, Australia, Nueva Zeelandia, Japon y otro paisnan lo ser reconoce como miembronan asociado di condicion nanclaramente defini, segun Danelian.

Denter di e estructura ei Estados Unidos lo ofrece concesionnan den e comercio na e otro nacionnan en desarrollo.

El presidente di Junta Directiva de la Compañía Gillette de Boston C. Filbert a exige Estados Unidos pa e haci un promesa clara nacional afin di liberaliza e comercio. E gobierno federal mester prepara pa economia norteamericana pa e inevitable crecimiento dje competencia stranjera, segun Gilbert a expresa.

VENEZUELA NO TIN DIFICULTAD CU OTRO PAISNAN PA MOTIBU DI ALALC

CARACAS- UPI-- Ministro di relacionnan exterior, Ignacio Iribarren Borges a declara cu Venezuela no tabatin ningun sortido di dificultad cu Argentina, Brasil y Mexico, debina e aparente fracaso dje negociacionnan realiza na Montevideo riba e asociacion Latinoamericana di Libre Comercio (ALALC).

E canceller a agrega cu e dificultadnan surgi ta propio dje negociacionnan mes, den cual Venezuela a realiza gestionnan individual cu e tres paisnan ey debi na su reciente incorporacion na e asociacion.

"Aki no por papia di triunfo mi derrota- el a afirma - "no por acusa Venezuela cu ta pa su falta e negociacionnan a fracasá, of cu e no a negocia pasobra e no tabata ke, pasobra si nan pidie un articulo of producto cu e ta desarolla interno pa progreso di su industria no ta permitie concede pa ser rebaha. E no ta faltando di su manera di proceder. Quende cu den e caso ey a falta, ta esun cu a pidi.

Refiriendo luego na revision dje tratado comercial cu Estados Unidos, cual su prome etapa a ser cumplí e siman aki, e cancellero

a bisa cu Venezuela ta studia e lista central di aspiracionnan presenta pa e gobierno norteamericano, pa medio dje tecnico-

nan cu tabata na Caracas. Iribarren a bisa cu primeramente nan a tene reunionnan formal di negociacion, na nivel di gobiernonan, pero cu asistencia di tecnico-

nan, na fecha ainda no determina. E tratado comercial cu Estados Unidos aparentemente ta causa di algun dje dificultadnan cu cualnan e gestion di Montevideo a tropeza, como consecuencia dje sistema preferencial

NACIONAN UNI -- UPI -- E posibilidad di un seccion di e crisis di Medio Oriente, parce di a desaparece awe, a menos cu Union Sovietico acepta e proyecto di resolucion Latino Americano onverwachts, cual ta pidi retiro di e forsanan Israeli for di e territorionan Arabier y un declaracion cu ta pone fin na e estado di guerra entre e Arabier-

nan y Israel. E minister di relacionnan exterior di Union Sovietico, Andrei Gromyko preparando pa regreso Moscú despues di un di lunanan mas scur den su carera largo diplomatico, segun ta ser papia, ta studiando e mocion Latinoamericana como ultimo esperanza pa salba maske ta parti di e prestigio cu Union Sovietico a perde na e paisnan Arabie.

E sesion di emergencia di Asamblea General ta den recesso e siman aki te majan. E diplomaticonan occidental ta kere cu e reunion lo tin como resultado un resolucion pasando di nobo e cuestion di crisis di e levante na conseho si seguridad, despues di loke president di e organismo, Abdul Rahman Pazhwak di Afganistan lo termina e sesion di emergencia convoca a peticion di Union Sovietico dia 17 di Juni ultinio.

E proximo reunion regular di e Asamblea General lo cuminsa dia 30 di september.

Aunke Union Sovietico aproba e potencia latinoamericana na ultimo momento, e diplomaticonan neutral ta bisa cu no ta probabel cu e majoria di e paisnan no comprometé lo sigui su iniciativa y vota na favor di e resolucion.

E nacionnan ey, encabesá pa India, ta insisti den un proyecto di resolucion cu ta exige solamente retiro di e tropnanan Israeli for di e territorionan Arabier.

Ann Landers

Querida Ann Landers, Esaki ta promer biaha cu mi a jega di scribi un carta pa corant den mi bida.

Mi no por keda ketu mas, mientras conseheronan ta bisa cu un mama no mester interveni ora un tata ta disciplina un mucha. Antayera mi casá a dal nos joe homber benta bow for di stiel di comedor, rankele bai patras, dal su cabes contra muraya y lastré pushé den su kamber.

Ki sorto di mama por mira tal violencia y keda ketu? Mi a bisa hopi cos, y den presencia di e joe tambe. Esaki ta net contrario di loke e conseheronan ta recomenda, pero ami ta hanja cu e mucha mester sa cu sikiera un di su parientenan ta razonabel y ta stimele. E brutalidad aki di mi casá a sode un biaha caba, pero m'a tumma parti pa mi joe.

E consehero a bisa mi, cu lo tabata mehor si mi a warda te ora e joe a bai drumi y despues bisa mi casá cu e no mester a dale joe asina duru.

Ann fabor, menciona esaki den bo columna, mi mester di un hende cu ta mira e cosnan aki. --Un mama.

Querida MAMA: Un mama NO mester interveni ora un tata ta disciplina su joe. Pero ioke abo a describi ey, no ta disciplina, ta un comportacion bestial. Por hanja castigu di ley pa tal cos.

Un tata cu dal cabes di su mes joe den muraya y hasi tantu otro abuso ta mentalmente enfermo, sin control. Bisele cu e mester busca tratamiento profesional of sali for di cas y cria abo y bo joenan. Cada anja, cantidad di mucha ta sufrí danjo emocional y fisico na man di parientenan bestial. Tin di nan cu ta muri a consecuencia di esaki. No larga esey ta destino di bo joe.

Querida Ann Landers: Otro anja mi ta bai casa cu un student di ley. E ke compra un renchi pa mi pa nos compromete, pero no por gasta hopi placa. Un renchi di diamanta manera un pipita di aros no ta balapena. Ya mi ta mira mi amiganan ta hari tras di mi lomba. Anto anja pasa mi ruman muher casa anto e a hanja un diamante grandi.

Ora mi a bisa mi joncuman cu mi ta prefera di no hanja un renchi at all, enbes di un renchi cu steenchle chikito, e cos a duél. Lo mi ke ta e tipo di hende noble pa keda contentu cu tiki cos, pero mi no ta. Mi ta robes? Wowo grandi.

Querida Wowo grandi: Si bo joncuman ke dunabo un renchi di compromiso larguele haci esaki. Pero pakiko e mester ta un diamanta?

Un perla ta masha bunita, of bo por scohe renchi di bo anja.

Querida Ann Landers: Awor cu mi a lesa e carta di e homber cu tabata ke worde derá na "estilo Viking", mi sa cu mi no ta loco.

Manera bo por ta corda, un entiero estilo Viking ta ora nan pone e hende su cadáver den un boto, pega e boto na candela y pushele baha na laman.

Ami tin 20 anja, dia mi muri mi ke mi entiero lo siguiente: Mi ke sinti den un G.T.O. de bucket seat cu mi dos mannan riba e wiel. Un combo mester toca muziek candente di moda cu tur mi amigu y amiganan lo ta contento, enbes di tristu, pasobra esey ta loke ta malu cu mayoria di e entieronan na prome lugar.

Mi ta spera cu lo bo no bisami cu esaki lo ta contra di ley, sino mi ta rabia masha. After all, hende no tin derecho pa dicidi kiko nan ke pa worde haci cu nan mes restonan mortales. --N.I.

Querido N.I.

Sorry, pero rabia numan pasobra un cos asina ta imposibel. Si bo ke un entiero den un auto, bo mester larga haci e, cuakier otro lugar, pasobra e ta "no dice" na e pais aki.

"HUESPEDNAN STRANJO"

Pero mucha muher joven tambe sa jora lihe, Glenda a pensa cu menosprecio. Ta lastima cu e no tin algo mas importante pa jora pé, cu un cas bjeuw y ridiculo. Tempo cu e cas aki tabata di senjorita Alice, e no a haci mucho caso di dje. E temponan ey e no tabata su propiedad tampoco.

Pero awor ta otro. Pa promé biaha den su bida e tabata tin derecho pa bisa: E cas aki ta di mi, y e ta sinti cu e no deshaci di dje. Maske Roland kier. El a keda sin bisa Roland nada un siman largo. Vilma a keda mescos cu un pushi cu a haya un amo nobo, y a keda biba den e mesun cas. E ta haci tur loke Glenda pidié, mescos cu antes e tabata haci pa senjorita Alice. Sin cu el a realisé, tin blaha e ta bruha Glenda cu senjorita Alice. "Lo e muri, si mi mester bisé, cu e tin cu bandona e cas aki", Glenda sa biba su mes tin ora, realisando cu e ta exaherá. Su placa cu e tabata tin ghespaar a cabay e mester tuma un desicion awor. Tur dia e tabata lesa e corantnan cu masha atencion, pa mira si nan ta ofrece un trabou adecuadé, pero e no por a haya nada cu ta pas cu né. Su educacion tabata solamente pa mirapa mucha of hende grandi. E unico diploma cu e tabata tin tabata, esun di "prome ayudo na un accidente" y e director di weeshuis a haya esey suficiente pa e tumé den su weeshuis como ayudante. E por cuida hende malo tambe, maske cu e no ta un enfermera diplomá. Tambe e por cuida mucha, pa cual tampoco e tin diploma, y ademá e no tin

gana di obtene su diploma pa esey. E mester a sacrifica su mes juventud pa cuida muchanan mas chikito cu né, pero ya awor e no tin smaak mas pa hacie e trabou ey. Kiko mas e por haci anto? E por solicita serca un dama bjeuw, cu mester companjo, pero mayoria di e hendenan bjeuw, maske con rico nan ta, no ta paga mucho cos. El a cana oranan largo den e park, y ta purba custumbra cu e pensamiento, cu e mester bende e cas. Hopi blaha e sa bay sinta riba un di e banknan den e park, for di unda e por mira chimeneanan di "E neishi". Tin blaha e ta haya, cu esun cu a construí e cas ey, lo tabata gusta chimenea y bentana masha hopi, pasobra el a jena e cas cu nan. Riba un atardi, Glenda tabata canando den e park. Pa ultimo blaha e kier a admira su cas. El a keda pará, y keto el a tuma despedida, mientras su mannan y pianan tabata stiff di friu y su lipnan tabata tembla. E ta sintié cansá, desanimá y masha solitario. E anochi ey, lo e duna Roland e contesta cu e tabata kier. Ora cu el a dicidi di bay su cas bek, el a mira un muhe stranjo, joven, bisiti cu un mantel grandi. Riba e mantel enorme, tabatin tin uncabes cu bunita cabes blond. Bou di e mantel tin dos pia elegante ta sali, tapa cu meja di nylon, mientras su pianan tabata hincá den zapatonan masha finí. Impaciente e tabata bati su pia riba vloer, sperando Glenda su jegada.

"Mi a mirabo di leeuw", el abisa Glenda, ora esaki a jega ser-

ca. "Parce cu abo ta e unico hende bibo den e vecindario aki. Mi no por bisa, cu esaki a sorpresami. Ta ken lo escohe un lugar asina pa biba? Pero kizas bo no a escohe e lugar aki, pero bo a worde conduci na dje, mescos cu mi". "Ta con bo por sa, cu mi ta biba akinan?", Glenda a puntra poco ofendido door di e manera cu e muhe tabata papia cu né. E muhe a sonrei, y e conrisa a influencia Glenda masha tanto. "Abo mester ta biba akinanda", e muhe a bisa. "Ningun hende lo haya smaak di cana rond, riba un dia manera esaki. Ami ta casi stiff di frieuw caba. Mi ta buscando un caminda pa comé y pa drumi tambe. Mi no ta bay molestiabo cu un storia largo, pero mi a bin traha poco siman akinanda, kizas hasta un paar di luna, y mi ta buscando un caminda pa biba. Si bo por bisami unda mi por haya un bon cuarto grandi pa huur, no un cos chikito, lo mi keda masha gradeci na bo. Mi no ta mucho exigente, pero mi kier tin awa cayente tambe den mi cuarto, bon cuminda, y sin estorbo di bishnja. Mi kier banja ki ora mi kier, pesey mes mi kier un bon cuarto y un bon cama tambe. Ademá mi mester un dozijn di deken. Tambe mi mester bisa, cu mi no por mira pudding y mi ta o-dia pisca. Bo sa algun caminda pa mi? Tin cuakier hende akinanda cu ta huur cuarto of algo asina? Contestami algo dushi, no para manera un hende paralíz. Bo conocé cuakier hende, of no? Mi por paga nan bon mes." Glenda a keda miré cu atencion, e no por bisa di blaha cu e mu-

he aki a cay na su smaak of no. Glenda a sonrei, pero e no a bisa nada. "Porfin bo sa algo?", e muhe a bolbe puntra, ora cu el a mira cu Glenda no tin fin di bisa algo.

"Bo sa unda mi por haya un cuarto of no?" Glenda su cara a cuminda brilla. Ora lo e jama Roland na telefoon, e ta pensa, y e lo participé su desicion.

Lo e conté di e milager cu a aparece den e park. Despues el a drey bisa e muhe: "Bo no por a haya un mihor hende pa puntra. Lo mi hibabo mesora na e cas cu bo ta buscando. E ta keda serca".

E muhe a vacila un rato, pero poco preocupá el a puntra: "Bo conocé e donjo? Bo ta sigur, cu e lo bay di acuerdo? Mi a bisabo, kiko ta mi exigencianan." "Claro cu ta okay", Glenda a contesta. "Mi ra, for di akinan bo por mira e chimeneanan. Pa bisabo e berdad, ta mi cas e ta. Y mi por tumabo." "Abo?", e muhe abisa asombrá. "Ta con ta posibel?

Ami si tin suerte! Bo tin hopi huesped na e momento aki?" Glenda a mostré e caminda pa "E Neishi", cu su cabes den laira y su corazon jen di felecidad. "No, ainda no, pero nan lo bin si", Glenda a contesta nonchalante. Cu un triunfo riba su cara, el a habri e porta i cura pa laga e muhe drenta. "Pa bisabo berdad, abo ta mi prome huesped. Drentabo numan."